

PROTOKOL
od prijave (projekta) teme doktorske disertacije
do odbrane doktorske disertacije

- Student početkom II semestra studija bira oblast istraživačke teme i akademskog savjetnika iz reda izabranih nastavnika na realizaciji studija, s kojim u toku semestra može definisati užu oblast doktorske teze i okvirni koncept teme, te bira odgovarajuću grupu izbornih modula/predmeta.
- U toku III semestra studija student prijavljuje temu doktorske disertacije (**projekta**) Vijeću studija, u kojem će navesti **pristup, metode i očekivane rezultate**.
- **Vijeće studija obrazuje Komisiju koja razmatra prihvatljivost prijedloga teme i određuje nastavnika (supervizora)**, koji će usmjeriti studenta kod pripreme projekta doktorske disertacije.
Student je dužan da do početka IV semestra izradi i prisupi odbrani projekta. Projekt se brani pred Komisijom od najmanje tri člana, koju obrazuje Vijeće studija, a jedan od članova je eventualni mentor, pri izradi doktorata.
- **Komisija pred kojom je student branio projekat dostavlja Izvještaj Vijeću studija.**
- Na osnovu pozitivnog izvještaja sa odbrane projekta, **Vijeće studija donosi Odluku da student može prijaviti temu doktorske disertacije.**
- **Prijava teme doktorske disertacije treba da sadrži:**
 - Biografiju kandidata,
 - Radni naslov teze,
 - Uži istraživački domen,
 - Metodološki pristup,
 - Ciljeve,
 - Detaljan pregled stanja u oblasti istraživanja u kojoj je tema definisana i
 - Očekivane rezultate i naučno-stručni doprinos.
- Na osnovu prijave teme doktorske disertacije **Vijeće studija predlaže Nastavno-naučnom vijeću Fakulteta, a Nastavno-naučno vijeće Fakulteta predlaže Senatu Univerziteta Komisiju za ocjenu podobnosti teme doktorske disertacije i uvjeta kandidata.**

- **Komisija** za ocjenu podobnosti teme doktorske disertacije i uvjeta kandidata **ima predsjednika i članove iz naučne oblasti, od kojih je jedan mentor.**
- **Mentor** može biti vanredni ili redovni profesor, član akademije nauka i profesor emeritus iz uže naučne oblasti doktorske disertacije.
- **U slučaju multidisciplinarnosti teme** studentu se **može odrediti i više od jednog mentora.**
(*Mentor za izradu doktorske disertacije dužan je da pomaže studentu pri izboru metoda naučno-istraživačkog rada, literature, pripreme strukture rada, kao i da mu pruža drugu stručnu pomoć*)
- **Student prijavljuje izrađenu radnu verziju projekta doktorske disertacije najkasnije do kraja V semestra**, na osnovu pribavljenog pozitivnog mišljenja mentora i Vijeća studija.
(*Radna verzija projekta doktorske disertacije treba biti korektno jezički, stilski i tehnički oblikovana u skladu sa savremenim postupcima, tehnikom i tehnologijom izrade publikacija u oblasti naučnog i stručnog rada*)
- **Nakon prijema radne verzije projekta doktorske disertacije**, koja je dobila **pozitivno mišljenje mentora i Vijeća studija**, Nastavno-naučno vijeće Fakulteta predlaže **Senatu Univerziteta Komisiju za ocjenu doktorske disertacije.**
- **Komisija za ocjenu projekta doktorske disertacije ima do 5 članova**, koji moraju biti iz naučne oblasti iz koje se brani doktorska disertacija.
- Kandidat radnu verziju projekta doktorske disertacije dostavlja putem Protokola Fakulteta sekretaru Vijeća dokorskog studija, koji o tome obavještava mentora.
(*Radna verzija projekta doktorske disertacije sadrži sva poglavlja kao i finalna verzija*).
- Mentor zakazuje prezentaciju u periodu kraćem od mjesec dana. Obavještenje o prezentaciji oglašava se na oglasnoj ploči Fakulteta i Univerziteta.
- Na prezentaciji prisustvuju članovi Komisije za ocjenu, sekretar Vijeća, zapisničar, kandidat i nastavnici iz oblasti iz koje se brani doktorat.
- Kandidat obrazlaže svoju radnu verziju rada na način da dovodi u vezu očekivane i dobijene rezultate, a potom predstavlja zaključke. Članovi Komisije izlaganje kandidata mogu prekidati i tražiti objašnjenja, a sve u formi dijaloga. Opravdane primjedbe članova Komisije kandidat je dužan ugraditi u korigovanu radnu verziju projekta doktorske disertacije u roku od 60 dana od dana kada je obavljena prezentacija. Zapisnik sa prezentacije dostavlja se Vijeću studija.
- Na korigovanu radnu verziju doktorske disertacije Komisija sačinjava Izvještaj koji sadrži ocjenu prezentacije rezultata rada na doktorskoj disertaciji, i u roku od 45 dana dostavlja ga Nastavno-naučnom vijeću Fakulteta.
- Nastavno-naučno vijeće Fakulteta objavljuje na svojoj oglasnoj ploči, oglasnoj ploči Univerziteta, web stranici i u medijima Izvještaj Komisije i korigovanu radnu verziju projekta doktorske disertacije, javnosti na uvid 30 dana.

- Obavještenje sadrži: ime i prezime kandidata, ustanovu u kojoj je zaposlen, naziv doktorske disertacije, sastav Komisije za pregled i ocjenu projekta disertacije, mjesto i vrijeme za pregled disertacije.
- Eventualne primjedbe i sugestije javnosti razmatra Komisija za ocjenu radne verzije projekta doktorske disertacije, i u roku od 15 dana dostavlja Vijeću studija.
- Po isteku roka od 30 dana, ili 45 ukoliko je bilo primjedbi i sugestija javnosti, Nastavno-naučno vijeće Fakulteta, putem Vijeća studija, razmatra Izvještaj Komisije za ocjenu radne verzije projekta doktorske disertacije i eventualne primjedbe i sugestije javnosti, i predlaže Senatu Univerziteta da se prijedlog doktorske disertacije prihvati.
- U slučaju kada Nastavno-naučno vijeće Fakulteta prihvati prijedlog doktorske disertacije, kandidat je dužan, da u roku od 30 dana od dana prijema Odluke, pripremi finalnu verziju disertacije u potrebnom broju primjeraka.
(Doktorska disertacija se dostavlja u 10 primjeraka – najmanje 5 u tvrdom povezu, i 5 u elektronskom formatu – od kojih se tri primjerka dostavljaju Nacionalnoj i univerzitetskoj biblioteci BiH, i to: dva u tvrdom uvezu i jedan elektronski, a jedan primjerak se u elektronskoj formi dostavlja biblioteci Univerziteta)
- Kada korigovana radna verzija projekta doktorske disertacije nije imala primjedbi javnosti, i kada je Nastavno-naučno vijeće Fakulteta prihvatilo pozitivan Izvještaj Komisije za ocjenu, Nastavno-naučno vijeće Fakulteta dostavlja pozitivan Izvještaj sa prijedlogom za prihvatanje doktorske disertacije Senatu Univerziteta, i istovremeno predlaže Komisiju za odbranu doktorske disertacije.
- Senat Univerziteta donosi Odluku o imenovanju Komisije za odbranu.
- Rješenjem o imenovanju Komisije za odbranu doktorske disertacije utvrđuje se i datum odbrane, mjesto i vrijeme. Komisija ima najmanje tri člana koji su iz oblasti iz koje se brani disertacija.
- Nastavno-naučno vijeće Fakulteta obavještava javnost preko oglasne ploče Fakulteta, oglasne ploče Univerziteta, web stranice, i u medijima o javnoj odbrani doktorske disertacije.
- O toku javne odbrane doktorske disertacije vodi se zapisnik koji potpisuju članovi Komisije i zapisničar.
- O toku i rezultatu javne odbrane doktorske disertacije Komisija podnosi Nastavno-naučnom vijeću Fakulteta i Senatu Univerziteta Izvještaj.
- Senat Univerziteta donosi Odluku o prihvatanju Izvještaja.